

Abu Zarr (kemudiannya) apabila meriwayatkan hadits ini akan menyudahkannya dengan ucapan “Walaupun Abu Zarr tidak menyenangnya.”¹⁹¹ (Bukhari-Muslim).

٢٤ - وَعَنْ عُبَادَةَ بْنِ الصَّامِتِ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ مَنْ قَالَ أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَنَّ مُحَمَّدًا عَبْدُهُ وَرَسُولُهُ وَأَنَّ عِيسَى عَبْدُ اللَّهِ وَرَسُولُهُ وَابْنُ أَمَّتِهِ وَكَلِمَتُهُ أَلْقَاهَا إِلَى مَرْيَمَ وَرُوحَ مِنْهُ وَأَنَّ الْجَنَّةَ حَقٌّ وَأَنَّ النَّارَ حَقٌّ أَدْخَلَهُ اللَّهُ مِنْ أَيِّ أَبْوَابِ الْجَنَّةِ الثَّمَانِيَةِ شَاءَ

24- `Ubaadah bin as-Shamit meriwayatkan, katanya: Rasulullah s.a.w. bersabda, “Sesiapa yang bersaksi bahawa tiada tuhan (yang berhaq disembah) melainkan Allah Yang Maha Esa, tiada sekutu bagiNya, dan bahawasanya Muhammad itu adalah hambaNya dan pesuruhNya, dan bahawasanya `Isa itu adalah hamba Allah, rasulNya dan anak hamba perempuanNya,¹⁹² juga kalimahNya¹⁹³ yang telah disampaikanNya

tanah. Rangkaian kata ini merupakan simpulan bahasa `Arab yang bererti walaupun Abu Zarr tidak menyenangnya atau tidak menyukainya.

¹⁹¹ Abu Zarr pula setiap kali selesai menyampaikan hadits ini kepada orang ramai akan berkata: وَإِنْ رَغِمَ أَنْفُ أَبِي ذَرٍّ sebagai suatu kenangan yang tidak dapat dilupakannya. Mungkin juga Abu Zarr berkata begini sebagai mengambil berkat dengan kata-kata Rasulullah s.a.w. Walaupun ma`na zahirnya kelihatan tidak elok, Abu Zarr tahu bahawa Rasulullah s.a.w. pernah memohon kepada Allah agar kata-katanya yang tidak elok pada zahirnya terhadap seseorang yang disayanginya, ditukar Allah menjadi sebagai doa kebaikan untuknya. Jauh sekali untuk terkilan dengan kata-kata Rasulullah s.a.w. itu, Abu Zarr malah berasa bangga dan bertuah kerana Rasulullah s.a.w. berkata begitu kepadanya.

¹⁹² Iaitu Maryam binti `Imraan. Menurut al-Ubbi, di sini disebutkan ‘hamba Allah dan anak hamba perempuanNya’ untuk menolak kepercayaan orang-orang Kristian yang beri`tiqad bahawa `Isa a.s. adalah anak Allah dalam satu konsep yang dipanggil ‘trinity’. Ia juga menolak kepercayaan orang-orang Yahudi yang tidak menerima `Isa sebagai rasul Allah dan menuduh ibunya Maryam a.s. telah melakukan perbuatan sumbang (berzina). Al-Qurthubi pula berkata: “Tujuan hadits ini menyebutkan demikian ialah untuk mengingatkan (menarik perhatian) kepada kesilapan yang telah berlaku kepada orang-orang Kristian tentang `Isa dan ibunya. Ia menegaskan bahawa `Isa adalah hamba Allah, bukan tuhan dan bukan juga anak tuhan. Ibunya pula hamba (perempuan) Allah, bukan isteri Allah.”

¹⁹³ Nabi `Isa a.s. digelar sebagai ‘kalimahNya’ kerana: (1) Beliau diciptakan dengan kalimah ‘kun’ (jadilah!), bukannya dengan perantaraan bapa seperti manusia biasa. (2) Mungkin juga dikatakan begitu kerana malaikat Jibril datang membawa berita gembira berupa kalimah tertentu kepada Maryam sebelum beliau mengandungkan `Isa a.s. (3) Ramai sekali manusia yang mendapat menafa`at daripada pengajaran dan nasihatnya. (4) Beliau telah dapat bercakap semasa masih bayi dalam buaian dengan berkata:

إِنِّي عَبْدُ اللَّهِ ءَاتَنِي الْكِتَابَ وَجَعَلَنِي نَبِيًّا

Bermaksud: “Sesungguhnya aku ini hamba Allah; Dia telah memberikan kepadaku Kitab (Injil) dan Dia telah menjadikan daku seorang Nabi. (Maryam: 30).

kepada Maryam serta roh daripadaNya,¹⁹⁴ dan bahawasanya syurga dan neraka itu benar, ¹⁹⁵Allah akan memasukkannya ke dalam syurga melalui mana-mana lapan pintu syurga yang dikehendakinya.”¹⁹⁶

¹⁹⁴ Terdapat beberapa pendapat ‘ulama’ tentang kenapakah Nabi ‘Isa dikatakan Roh daripada Allah: (1) Menurut Qadhi ‘Iyaadh, Nabi ‘Isa a.s. digelar sebagai ‘roh Allah’ kerana kejadian beliau ialah dengan cara Jibra’il a.s. ‘ meniupkan’ roh ke dalam baju ibunya dengan perintah daripada Allah s.w.t., lalu Allah mengaitkan beliau denganNya (sebagai memuliakannya). ‘Tiupan’ itu dinamakan ‘roh’ kerana angin itu keluarnya daripada roh (malaikat Jibril yang bernyawa). (2) Di sini sebenarnya ada beberapa perkataan yang mahzuf (dibuang). Taqdirnya ialah: *هو روح صدر منه بغير توسط الأصل والمادة* Maksudnya ialah Nabi ‘Isa itu adalah seorang yang mempunyai roh ciptaan Allah yang lahir bukan dengan perantaraan bapa dan benda yang merupakan asas bagi jisim-jisim lain yang mempunyai roh. (3) Nabi ‘Isa a.s. dikatakan Roh, kerana orang mati boleh hidup kembali dengan katanya: *قم يا ابن الله* Bermaksud: “Hiduplah engkau dengan izin Allah.” (4) Hati-hati yang mati bertukar menjadi hidup apabila beriman dan mendapat hidayat hasil da’wah dan seruan Baginda a.s. (5) Dikatakan Roh kerana kejadiannya tidak seperti kejadian manusia lain yang lahir dengan perantaraan bapa. Baginda a.s. terjadi dengan kehendak Allah semata-mata. Kerana itulah ia dikatakan Roh daripada Allah. (6) Sabda Nabi s.a.w. bahawa Nabi ‘Isa adalah Roh daripada Allah juga bermaksud menyatakan Nabi ‘Isa adalah seorang yang manusia yang mulia di sisi Allah dan hampir serta rapat denganNya.

¹⁹⁵ Mungkin sekali Nabi s.a.w. bersabda ‘bahawasanya syurga dan neraka itu benar’ dengan tujuan membebaskan manusia daripada kepercayaan golongan ateis dan orang-orang yang tidak percayakan hari kebangkitan semula manusia sesudah kiamat.

¹⁹⁶ Ini adalah sebuah hadits yang amat istimewa, ia adalah hadits yang paling komprehensif atau ia termasuk di antara hadits-hadits yang paling komprehensif dan tuntas tentang ‘aqidah. Rasulullah SAW telah menghimpunkan apa yang boleh mengeluarkan seseorang daripada sekalian agama kufur yang pelbagai rupa bentuknya. **Antara kesimpulan dan panduan yang dapat diambil daripada hadits ini ialah:** (1) Nabi ‘Isa a.s. itu dijadikan tanpa bapa. (2) Nabi ‘Isa a.s. bukan merupakan ‘anak Allah’ seperti da’waan orang-orang Kristian. (3) Maryam itu ialah hamba Allah, bukan isteriNya. (4) Inilah ‘syahadah’ yang perlu diajarkan kepada seorang Kristian yang ingin memeluk Islam. (5) Syurga itu mempunyai banyak pintu, masing-masing daripadanya mempunyai keistimewaan yang tersendiri. Sesetengahnya hanya boleh dimasuki oleh orang-orang yang melakukan amalan yang tertentu sahaja. (6) Banyaknya pintu syurga yang boleh dimasuki oleh seseorang itu mengisyaratkan kepada dia dapat memasukinya dengan mudah dan bebas. (7) Allah s.w.t. berkuasa untuk menjadikan sesuatu tanpa mengikut hukum sebab-musabab. (8) Agama Kristian itu dahulunya benar, tapi ia telah menyeleweng dan agama Islam datang untuk memperbetulkan segala penyeleweng yang telah berlaku itu. (9) Adakalanya manusia tidak dapat menerima sesuatu perkara yang berlaku kerana kedangkalan akalanya. Mungkin juga mereka akan cuba ‘memperbetulkannya’ supaya ia boleh diterima oleh logik mereka dan sesuai pula dengan selera mereka. (10) Semua manusia adalah hamba Allah, termasuklah para Nabi dan para Rasul a.s. (11) Syurga dan neraka memang wujud. Kewujudannya adalah suatu yang benar. (12) Bilangan pintu syurga disebutkan di dalam hadits ini sebanyak lapan kesemuanya.